

Oglašavanje sirena

Kada uslijed velike nesreće ili katastrofe dođe do neposredne opasnosti od ozljeda ili štete na imovini, stanovnike Danske moguće je upozoriti na takvu opasnost korišćenjem Danskog nacionalnog elektronskog sistema sirena za upozorenje.

Sistem sirena za upozorenje

Danska agencija za upravljanje hitnim situacijama (Beredskabsstyrelsen) koristi i održava sistem sirena za upozorenje.

Sistem obuhvaća ukupno 1.078 sirena koje pokrivaju oko 80 % stanovništva Danske. Neovisno neprekidno napajanje strujom omogućuje da sirene rade i u slučaju nestanka struje.

Sirene su pričvršćene za zgrade i stubove u gradovima i naseljenim područjima s više od 1.000 stanovnika. Izvan ovih područja policija može odlučiti da koristi prijenosne sirene.

Policijska upozorenja

U slučaju velike nesreće ili katastrofe, policija može odlučiti da koristi sirene. U isto vrijeme će poruka o hitnom slučaju biti emitirana na dvije nacionalne TV stanice, DR i TV2.

Policija će pokrenuti oglašavanje sirena. One mogu upozoriti čitavo stanovništvo pri jednom oglašavanju. Sistem sirena za upozorenje može se koristiti i u regionalnim i lokalnim područjima u kojima policija pokreće pojedinačne sirene i time upozorava određene oblasti.

Osobe oslabljenog ili oštećenog sluha mogu se pretplatiti kod agencije Beredskabsstyrelsen na sistem upozorenja i potom primiti upozorenja u vidu tekstualnih poruka.

Od 1994. godine godišnje oglašavanje sistema sirena za upozorenje održava se u podne prve srijede u svibnju. Sve sirene se provjeravaju svake noći (bez zvuka).

Šta trebate da učinite?

Po oglašavanju sirena, uđite u svoj dom i uključite program televizije DR ili TV2.

Po mogućstvu, provjerite jesu li svi prolaznici razumijeli signal upozorenja.

DR i TV2 će dalje obavještavati stanovništvo o situaciji, objavljujući upute o tome šta trebate uraditi. Ove poruke će poticati od policije ili drugih nadležnih organa.

DR i TV2 će važne informacije objavljivati i na teletekstu, na strani 150.



Sistem sirena za upozorenje može se koristiti u slučaju velike nesreće ili katastrofe.

Signali

Sirene proizvode specijalan zvučni signal kako bi upozorile na opasnu situaciju.

Signal se sastoji od tona koji se brzo povišava, a zatim se postupno snižava. Signal se emitira ukupno četiri puta, u trajanju od 45 sekundi.

Signal opasnosti se ilustrira na sljedeći način:



Sistem sirena za upozorenje će se koristiti i kada opasnost prođe. Sistem će emitirati drugačiji zvuk kako bi objavio završetak opasne situacije.

Ovaj zvučni signal se sastoji od jednog nepromjenljivog tona u trajanju od 45 sekundi.

Zvučni signal koji objavljuje završetak opasne situacije ilustrira se na sljedeći način:



Kada se oglasi ovaj signal, možete sigurno ponovno izaći vani.

Više o upozoravanju sirenama možete pročitati na www.brs.dk/beredskab/sirener (na danskom jeziku)